



Zavod za specijalno obrazovanje i odgoj djece Mjedenica

Mjedenica 34, Sarajevo 71 000, Bosna i Hercegovina

Institution for special children education Mjedenica

Mjedenica 34, Sarajevo 71 000, Bosnia and Herzegovina

**Broj: 01-944-09/21**

**Datum: 06.09.2021. godine**

Na osnovu člana 70. stav (1) i (3) Zakona o javnim nabavkama Bosne i Hercegovine ("Službeni glasnik BiH" broj 39/14) i Zapisnika o pregledu i ocjeni ponuda br. 01-943-09/21 od 03.09.2021. godine u kom je data i preporuka komisije za okončanje postupka nabavke, u postupku nabavke **prehrambenih proizvoda, LOT2 - Mliječni proizvodi, med, jaja i ostalo**, direktor J.U. Zavoda za specijalno obrazovanje i odgoj djece Mjedenica donio je:

## ***O D L U K U***

### ***O IZBORU NAJPOVOLJNIJEG PONUDAČA ZA POSTUPAK NABAVKE PREHRAMBENIH PROIZVODA, LOT2 - MLIJEČNI PROIZVODI, MED, JAJA I OSTALO***

#### **Član 1.**

Prihvata se opcija a) preporuke komisije za javne nabavke u postupku nabavke prehrambenih proizvoda, za **LOT2 - MLIJEČNI PROIZVODI, MED, JAJA I OSTALO**, za koji je na portalu nabavki objavljeno obavještenje o nabavci br. 178-1-1-1-3-1/21 dana 12.08.2021. godine, te se okvirni sporazum dodjeljuje ponuđaču **"VINOJUG" doo Sarajevo**, na ponuđenu cijenu od **17.370,00 KM bez PDV-a**. U navedenoj ponudi popust nije ponuđen, te se isti neće primjenjivati tokom realizacije okvirnog sporazuma.

#### **Član 2.**

Ova odluka se, shodno članu 71. stav (2) Zakona o javnim nabavkama, dostavlja ponuđaču koji je dostavio ponudu u ovom postupku javne nabavke, zajedno sa kopijom zapisnika o ocjeni ponuda.

#### **Član 3.**

Ova odluka će se objaviti na web-stranici ugovornog organa (<https://zavodmjedenica.ba/javne-nabavke/>) istovremeno s upućivanjem ponuđaču koji je učestvovao u predmetnom postupku javne nabavke, a u svemu prema članu 70. stav (6) Zakona o javnim nabavkama.

#### **Član 4.**

Budući da je ponuđač kom se dodjeljuje okvirni sporazum u ponudi dostavio i valjane dokaze o ispunjavanju kvalifikacionih uslova iz tačke 13. Tenderske dokumentacije, i dokument koji je uslov za potpisivanje okvirnog sporazuma iz tačke 18. Tenderske dokumentacije, Ponuđač se oslobađa obaveze ponovnog dostavljanja istih, a prema tačkama 13, 18. i 21. Tenderske dokumentacije.

### Obrazloženje

Ugovorni organ je objavio obavještenje o pokretanju otvorenog postupka nabavke za nabavku prehrambenih proizvoda, LOT2 - mliječni proizvodi, med, jaja i ostalo, na Portalu javnih nabavki pod brojem: 178-1-1-3-1/21, dana 12.08.2021. godine, te sažetak obavještenja o nabavci u Službenom glasniku BiH, u broju 52/21.

Do isteka krajnjeg roka za dostavu ponuda blagovremeno je zaprimljena jedna ponuda, ponuda ponuđača "VINOJUG" doo Sarajevo. Nije bilo neblagovremeno dostavljenih ponuda.

Nakon javnog otvaranja ponuda, komisija je pristupila pregledanju i ocjeni dostavljenih ponuda, te je utvrđeno da ponuda ponuđača "VINOJUG" doo Sarajevo ispunjava sve uslove i zahtjeve iz tenderske dokumentacije, te je ponuda prihvaćena kao **prihvatljiva ponuda**.

Ponuda ponuđača „VINOJUG“ doo Sarajevo prelazi procijenjenu vrijednost nabavke (vrijednost najpovoljnije ponude iznosi 17.370,00 KM bez PDV-a, dok procijenjena vrijednost nabavke iznosi 17.000,00 KM), međutim imajući u vidu:

- da je razlika između najpovoljnije ponude i procijenjene vrijednosti nabavke 370,00 KM,
- da se u postupku nabavke, po osnovu odredbe člana 69. stav (2) tačka e) Zakona o javnim nabavkama, može potpisati okvirni sporazum, ukoliko cijena prihvatljive ponude nije znatno veća u odnosu na osigurana sredstva za predmetnu nabavku,
- da je tačkom 7. TD propisano da su navedene količine maksimalne količine, a stvarna nabavljena količina na osnovu zaključenog okvirnog sporazuma može biti jednaka ili manja od predviđene okvirne količine, a što je utvrđeno i članom 4. Uputstva za pripremu modela tenderske dokumentacije i ponuda, te ugovorni organ ima pravo da nabavlja količine prema raspoloživim finansijskim sredstvima, odnosno da ugovorni organ nije u obavezi da povuče kompletne količine utvrđene Aneksom 2, pa samim tim nije niti u obavezi da realizuje puni iznos najpovoljnije ponude (17.370,00 KM), već može okvirni sporazum realizovati i u vrijednosti od 17.000,00 KM, ili u manjem iznosu, zavisno od realnih potreba ugovornog organa,

- da ugovorni organ može da, u slučaju potreba, obezbijedi razliku od 370,00 KM za realizaciju punog iznosa okvirnog sporazuma,
- da je Komisija za javne nabavke dala preporuku pod opcijom a) da se okvirni sporazum može dodijeliti Ponuđaču koji je dostavio prihvatljivu ponudu, uz obrazloženje dato u zapisniku, a koje se prihvata u cjelosti,

odlučeno je da se okvirni sporazum dodijeli ponuđaču "VINOJUG" doo Sarajevo, na ponuđenu cijenu od 17.370,00 KM bez PDV-a.

Takođe, imajući u vidu da je ponuđač kom se dodjeljuje okvirni sporazum u ponudi dostavio i valjane dokaze o ispunjavanju kvalifikacionih uslova iz tačke 13. Tenderske dokumentacije, i dokument koji je uslov za potpisivanje okvirnog sporazuma iz tačke 18. Tenderske dokumentacije, Ponuđač se oslobađa obaveze ponovnog dostavljanja istih, a prema tačkama 13, 18. i 21. Tenderske dokumentacije.

Potpisivanju okvirnog sporazuma će se pristupiti prije isteka roka od 15 dana od dana kada je ponuđač obaviješten o izboru, a na osnovu člana 98. stav (2) tačka a) Zakona o javnim nabavkama, po osnovu kog se ugovor može potpisati i prije isteka roka od 15 dana od dana kada je ponuđač obaviješten o izboru, ukoliko je u otvorenom postupku nabavke dostavljena samo jedna ponuda, i ta ponuda je izabrana.

S obzirom na sve navedeno, odlučeno je kao u dispozitivu ove odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 10 (deset) dana od dana prijema ove odluke Uredu za razmatranje žalbi putem ugovornog organa, a u svemu prema članu 99, 101. i 107. Zakona o javnim nabavkama.

Dostavljeno:

1. "VINOJUG" doo Sarajevo,
2. a/a.

M.P.

